

INUIT ATAQATIGIIT INATSISARTUNI



UKA2022/33
25.10.2022
Harald Bianco

**Nivaap imartaata itisilernissaanut 2023-mi misissueqqissaarnissamut
Naa-lakkersuisut peqquneqarnissaannik Inatsisartut
aalajangiiffingisassaattut siunnersuut.**

(Inatsisartunut ilaasortaq, Kristian Jeremiassen, Inuit Ataqatigiit)

Nunatsinni ikerasaliornissamik Inatsisartuni oqallinneq nutaajunngilaq. Taamatullu sinerissami angallannikkut iluaqutissatut ikerasaliassatut kisaatigineqartut arlaqar-lutik. Tamanna sumiiffinni ikerasaliorfiginierneqartuni immakkut angallannermut isumannaannerussammat, orninniakkallu pisariinnerusumik minnerunngitsumik nunatsinni isorartuumi angallavimmi ilaatigut orsussamik annertuumik sipaaga-qarsinnaanermik kinguneqartussaammat.

Inuit Ataqatigiinniit maluginiarparput isumannaallisaaneq angallannikkullu eqaalli-saaneq tamanit soqutigineqarlunilu pingaartinneqartoq, tupinnangitsumik. Suliaqarnissamullu akisussaaffiup sumiinera takuneqarsinnaasutut sulii inissinneqar-nikuunngilaq. Taamaattumik sumiifiini ikerasaliorfiginierneqartuni kommunip sule-qatiginissaanik siunnerfeqarneq Inuit Ataqatigiinniit isumaqatigaarput.

Taamatut naatsumik Inuit Ataqatigiinniit oqaaseqarluta Nalakkersuisut allannguu-tissatut siunnersuutaat taparserparput. Ataatsimiititaliamullu susasaqartumut ingerlateqqillugu.